

Prof. dr. Faruk Taslidža – biografija

Prof. dr. Faruk Taslidža profesor je historije novog vijeka i savremenog doba na Fakultetu humanističkih nauka Univerziteta "Džemal Bijedić" u Mostaru. Rođen je u Mostaru 1973. godine. Studij na Pedagoškoj akademiji (odsjek historija-geografija) završava 1998. godine. Diplomirao je na Fakultetu humanističkih nauka (Odsjek za historiju) Univerziteta "Džemal Bijedić" u Mostaru 2006. godine. Za izuzetne rezultate postignute u naučno-nastavnom radu u toku studiranja, nagrađen je prestižnom *Rektorovom nagradom*, a na osnovu prosjeka ocjena ostvarenog u toku školovanja dodijeljena mu je i *Zlatna medalja Univerziteta*. Postdiplomski studij na Filozofskom fakultetu u Sarajevu uspješno je okončao odbranom magistarskog rada 2010. godine. Na istom fakultetu odbranio je i doktorski rad 2015. godine, te tako stekao stepen doktora historijskih nauka.

Faruk Taslidža je jedan od osnivača i saradnik Centra za osmanističke studije u Sarajevu. U proteklom periodu redovno je angažiran u svojstvu recenzenta od strane redakcija uglednih historijskih časopisa iz Bosne i Hercegovine i regiona. Član je redakcije časopisa Fakulteta humanističkih nauka *Istraživanja*. Član je Vijeća Kongresa bošnjačkih intelektualaca u Sarajevu. Član je Upravnog odbora BZK "Preporod" – Gradsko društvo Mostar. Također, član je Programskog savjeta U. G. "Toprak" u Mostaru. U periodu od 2015. do 2019 godine, na osnovu odluke Vijeća ministara Bosne i Hercegovine, nalazio se u sastavu Vijeća za nauku Bosne i Hercegovine (savjetodavno i stručno tijelo Ministarstva civilnih poslova). U periodu od 2013. do 2020. godine obavljao je funkciju šefa Odsjeka za historiju na Fakultetu humanističkih nauka.

Faruk Taslidža je do sada objavio sljedeće naučne monografije: *Bosanski ejalet u doba Bečkog rata (1683-1699)* (Federalno ministarstvo nauke i obrazovanja, u Mostaru, 2017); *Između ratova – na granici svjetova, Društveno-privredni odnosi u Hercegovačkom sandžaku u prvoj polovini XVII stoljeća* (BZK Preporod, Gradsko društvo Mostar, u Mostaru, 2022); *Sinan-paša Borovinić-Društveni status, porijeklo, politički uspon, početak urbanizacije Mostara* (Univerzitet „Džemal Bijedić“ u Mostaru, Medžlis Islamske zajednice Mostar, u Mostaru, 2023) (koautor), te čitav niz naučnih i stručnih radova. Njegova glavna naučna i istraživačka interesovanja tiču se historije Bosne i Hercegovine osmanskog perioda. Učesnik je više internacionalnih naučnih skupova, konferencija, tribina i promocija. Trenutno u zvanju vanrednog profesora, zaposlen je na Fakultetu humanističkih nauka Univerziteta "Džemal Bijedić" u Mostaru.

